

Ilinniartitaanernik nittarsaassinermi maleruagassat nalinginnaasut

1. Anguniagaq siunertarlu

Anguniagaq pingaarneq tassaavoq, nuna tamakkerlugu ilinniagaqassutsip qaffasissusaata siuarsarnissaa innuttaasunullu ataasiakkaanut ineriartornissamut periarfissanik neqeroornissaq siunertaralugu, innuttaasut amerlanerit ilinniartitaanernik piginnaaneqalerfiusumik aallartitsinissaat nammassinninnissaallu.

Tigussaanerumik tamanna ilinniartitaanernik neqeroorutunik saqqummiussinerisigut suliffeqarfiillu sunngorsinnaanermut ilinniagaqarfiit iluini periarfissanik assigiinngitsunik saqqummiussinerisigut pissaaq.

Ilinniartitaanernik nittarsaassinermi ornigulluni aqutissiuussinermik ikaarsaarnissamullu aqutissiuussinermik ingerlatitseqqiineq anguniakkat pingaarnersaraat.

Ilinniartitaanernik suliffeqarfiillu qinnuteqarumaartussat amerlanerit angunissaat, tamannalu aqutigalugu ilinniartitaanernik suliffeqarfiillu ilinniartunik /sulisunik pissarsinissamut tunngavissaannik inerisaanissaq, anguniakkat tulleraat.

Anguniakkat/saaffigisat:

Illoqarfimmi/kommunimi pineqartumi innuttasut tamaasa; ilinnialernalli inuusunnerit suliffissarsiortullu pissusissamisoortumik ukkallugit.

2. Najukkami pilersaaruserneq aqqisuussinerlu

Ilinniartitaanernik nittarsaassineq qaammatit marluk missaat pallittut sioqqullugit piareersarneq aallartissaaq.

Pilersaaruserneqatigiit tassaasut Majoriaq, meeqqat atuarfiat GUX-ilu suliasanik agguataarissapput.

Pilersaaruserneqatigiit namminneq aqqisuussissapput nittarsaassinissarlugu sioqqullugu piareersaaneq nalinginnaasut tamakkerlugit isumagissallugit.

Majoriap pilersaaruserneqatigiit suleqatigalugit najukkami suliffeqarfinnut qaaqussisutunik nassiusuineq akisussaaffigaa.

Suliffeqarfiit ilinniartitaanernik sinnerlugit nittarsaassinermi peqataasut sutugassaqartinneqarnissaat, Majoriap isumagissassaraa.

Ilinniartitaanernik nittarsaassinissaq sioqqullugu najukkami paasititsiniaaneq Majoriap isumagissavaa.

Paasissutissat allat nittarsaassineq sioqqullugu takkuttussanut piareersaataasut saniatigut, ilinniartitaanernik nittarsaassinerup sumi qaqugulu ingerlanneqarnissaa paasissutissani allassimassaaq. Nittarsaassinerup nalaani saqqummersitat tamakkerlugit takuniarnissaannut innersuussisoqassaaq.

Majoriap paasissutissiivimmik takkuttut apeqquaqarfigisinnaasaannik, ikiorneqarlutillu ilitsersortiffigisinnaasaannik nammineq pilersitsissaaq. Apeqquaqarfigisinnit allanit imaaliannaq akineqarsinnaanngitsut, Majoriap ornigulluni ilitsersuutaanut ilannugullugit akineqassapput.

3. Qitiusumit pilersaaruserneq aqqisuussinerlu

Peqataasunut kommuninit allaneersunut qitiusumik nalunaarfissaq AQQUT-mit isumagineqassaaq. www.aqqut.gl aqutigalugu nalunaartoqassaaq.

4. Ilinniartitaanernik

Ilinniartitaanernik peqataasut, nittarsaassinermi takkuttunut paasissutissiisummik ajornaatsumik oqaasertaliinissaat, AQQUT-mit innersuussutaavoq.

Tassani aqutissiuussinermit atatillugu oqaloqatigiinnerit arlallit, takkuttullu naliliillutik akissuteqarnissaannik isumaliutersuutit ilaasinnaapput.

Peqataasinnit anguniagaqarnissarsi suullu anguniagaanerata ersarissarnissaa AQQUT-mit innersuussutaavoq.

Ilinniartitaanernik nittarsaassinermi kifartuussinerit neqeroorutillu suut saqqummiunissaat toqqarsimagisi, takkuttunit paasineqarsinnassaaq.

Apeqquaqarfigisinnassaraanut piareersaritsi. Ilinnialerlaat ilinniartuusiimasulluunniit akornanni aperisinnaavusi. Taakku ilinniartitaanernik neqeroorutissinnik "tuniniaalluartaupput"

5. Suliffeqarfiit

Suliffeqarfiit peqataasut, nittarsaassinermit takkuttunut paasisutissiisummik ajornaatsumik oqaasertaliinissaat, AQQUT-mit innersuussutaavoq. Tassani aqutissiussinermit atatillugu oqaloqatigiinnerit arlallit angumererusutasi takkuttuniillunniit naliliilluni akissuteqarfigineqarnissaq pillugu isumaliutersuutisi ilaasinnaapput.

Peqataanissinni anguniakkassi suullu anguniakkatut kissaataanerata ersarissuunissaa, AQQUT-mit innersuussutaavoq.

Oqariartuutissinnik, kiffartuussinermit neqeroorutinillu ilinniartitaanernik nittarsaassinermit saqqummiussassatut toqqarsimasassinnik, takkuttut paasinnissinnaassapput.

Apeqqutigineqarumaarsinnaasunut piareersaritsi. Suliffissinni ilinniartut akornanni apersuisinnaavusi. Taakku suliffeqarfissinnik "tuniniaallaqqisuupput". Taakku sulisoqarnermut immikkoortotaq suleqatigalugu ingerlatitseqiisnaapputaaq.

6. Naliliineq:

Naliliisoqarnissaa Majoriap akisussaaffigaa.

Anguniakkat ataatsimoorussat ataasiakkaallu, nittarsaassinerullu nuna tamakkerlugu ilinniartitaanerup qaffasissusaanik siuarsaanissamik pingaarnertut siunertaqarnera naapertorlugit naliliinermit peqqataanissaq, ilinniartuutit suliffeqarfiillu akisussaaffigaa.

Naliliinermit immikkoortut marluk ukkanneqassapput:

1. Anguniakkap siunertallu qanoq annertutigisumik eqquutsinneqarnerannik naliliinissaq
 - a. takkuttut apeqquteqarnissamat periarfissinneqarpat?
 - b. suliffeqarfiit siusinnerusukkut kingusinnerusukkullunniit sulisussarsinermit kinguneqarsinnaasumik oqaloqatigiissuteqarpat?
 - c. ilinniartuutit siusinnerusukkut kingusinnerusukkullunniit ilinnialernissamik kinguneqarsinnaasumik oqaloqatigiissuteqarpat?
 - d. Majoriaq piukkunnartunik apeqquteqarpat?
2. Periusissiamik inerisaanissaq nittarsaassinermillu ukiumiit ukiumut pitsanngorsaallunilu naleqqusaanissaq
 - a. takkuttut apeqqutigisaminnut akissutissarsisimanngitsunik ilaqarpat?
 - b. Takkuttut akissutissaat piareersimaffiunngitsunik apeqquteqarpat?
 - c. Takkuttut saaffigisanut ilaappat?

Maluginiagassaq! Allani apeqquteqartoqarsinnaavoq allanillunniit oqaaseqaateqartoqarsinnaalluni. Qulaaniittut siunnersuutaannaapput.

7. Majoriaq

Majoriami suliat pissutaallutik Majoriaq ilinniartitaanernik nittarsaassinermit aqqisussisuuvoq.

Majoriaq najukkami ataqatigiisarsisuuvoq.

Nittarsaassinermit takkuttut tamarmik apeqqutiminnut akissutissarsisinnaanissaat, Majoriap isumagisassaraa. Nalornissutaasinnasut imal. saaffignissutaasut akineqarsinnaanngitsut Majoriamit malitseqartinneqassapput.

Ininut atugassanut takussutissiaq nittarsaassiviit tamarmik sumiiffissaannik takutitsisoq, Majoriamit isumagineqassaaq. Takussutissiaq peqataasunut sumiiffissap nassaarinissaanut, takkuttunullu nittarsaassinermit sumiiffissinnaanissamat iluaqutaassaaq.

Ass.:

Ilinniartuutit 1-imiit 20-imut normoqassapput (qassiunerat apeqqutaassaaq).

Suliffeqarfiit A-M-imut naqinneqassapput (qassiunerat apeqqutaassaaq).

Naliliisoqarnissaa pisarialinnillu naapertuuttunillu apeqquteqartoqarnissaa Majoriamit isumagineqassaaq. Peqataasut qaqugu sumilu naliliisoqarnissaanik ilisimatinneqassapput. Ass. nittarsaassinerup matunerata kinguninngua.

8. AQQUT

AQQUT ilinniartitaaneq pillugu paasititsiniaalluni angalanerni pingaarnertut ataqatigiisarsisuuusaaq suliffeqarfiillu pingarnerit annerillu peqataanissamat nalunaarissaat isumagisassarissallugu.

AQQUT qaqqusissutissanut aamma/imal. immersugassanut siunnersuusiussaaq.